



learn english
study
school
education
knowledge
online
course
information
technology
training
communication
international
trainer
development
lesson
webinar
board
language
text
student
business
library
seminar
pronounce
exam
design
studying
understanding
speak
educational
distance
paper
internet
board



XORIJIY TILLARNI O'QITISHDA
ZAMONAVIY YONDASHUVLAR
VA YANGICHA YO'NALISHLAR

**O‘ZBEKISTON RESPUBLIKASI
OLIY TA’LIM, FAN VA INNOVATSIYALAR VAZIRLIGI
ALISHER NAVOIY NOMIDAGI TOSHKENT DAVLAT O‘ZBEK
TILI VA ADABIYOTI UNIVERSITETI**

XORIJIY TILLAR KAFEDRASI

**“XORIJIY TILLARNI O‘QITISHDA
ZAMONAVIY YONDASHUVLAR
VA YANGICHA YO‘NALISHLAR”**

**Mavzusidagi Xalqaro ilmiy-amaliy onlayn anjuman
materiallari**

**“BOOKMANY PRINT”
TOSHKENT – 2025**

UO‘K: 378.026:811.111

KBK: 81.2-9ya43

X 76

Xorijiy tillarni o‘qitishda zamonaviy yondashuvlar va yangicha yo‘nalishlar [Matn]: to‘plam / Toshkent davlat o‘zbek tili va adabiyoti universiteti. – Toshkent: Bookmany print, 2025. – 318 b.

O‘zbekiston Respublikasi Prezidentining 2017-yil 7 fevraldagi “O‘zbekiston Respublikasini yanada rivojlantirish bo‘yicha Harakatlar strategiyasi to‘g‘risida”gi PF-4947-son Farmoni, 2012-yil 10-dekabrda “Chet tillarni o‘rganish tizimini yanada takomillashtirish chora-tadbirlari to‘g‘risida”gi PQ-1875-son, 2021-yil 19-maydagi “O‘zbekiston Respublikasida xorijiy tillarni o‘rganishni ommalashtirish faoliyatini sifat jihatidan yangi bosqichga olib chiqish chora-tadbirlari to‘g‘risida”gi PQ-5117-son qarorlari, O‘zbekiston Respublikasi Vazirlar Mahkamasining 2013-yil 8-maydagi “Uzluksiz ta‘lim tizimining chet tillar bo‘yicha davlat ta‘lim standartini tasdiqlash haqida”gi 124-son qarori hamda mazkur sohaga tegishli boshqa me‘yoriy-huquqiy hujjatlarda belgilangan vazifalarning ijrosini ta‘minlash maqsadida Alisher Navoiy nomidagi Toshkent davlat o‘zbek tili va adabiyoti universiteti Tarjima nazariyasi va amaliyoti fakulteti xorijiy tillar kafedrasidan o‘tkazilgan **“Xorijiy tillarni o‘qitishda zamonaviy yondashuvlar va yangicha yo‘nalishlar”** mavzusidagi xalqaro ilmiy-amaliy onlayn anjumani materiallaridan tashkil topgan.

To‘plam materiallaridan filologlar, sohada faoliyat yuritayotgan mutaxassislar, mustaqil tadqiqotchilar, magistr va talabalar, oliy ta‘lim, xalq ta‘limi va umumta‘lim maktablari o‘qituvchilari foydalanishlari mumkin. (Maqolalarning ilmiy saviyasi uchun mualliflarning o‘zlari mas‘uldirlar)

Tahrir hay‘ati:

Ana Tripkovic. – Comlang, Serbia. Chet tillarini o‘qitish metodlari markazi direktori, fan doktori

Mengliev B. – Toshkent Amaliy Fanlar Universiteti, filologiya fanlari doktori, professor.

Teshaboyeva Z. – Toshkent davlat o‘zbek tili adabiyoti universiteti, tarjima nazariyasi va amaliyoti kafedrasida professori, filologiya fanlari doktori.

Abdiyev A. – Toshkent davlat o‘zbek tili adabiyoti universiteti, xorijiy tillar kafedrasida mudiri.

Asadov M. – Toshkent davlat o‘zbek tili adabiyoti universiteti, tarjima nazariyasi va amaliyoti kafedrasida mudiri, falsafa fanlari doktori (PhD).

Do‘stmamatova N. – Toshkent davlat o‘zbek tili adabiyoti universiteti, tarjima nazariyasi va amaliyoti kafedrasida, falsafa fanlari doktori (PhD).

Taqrizchilar:

Sayfullayev A. – Samarqand xalqaro texnologiyalar universiteti o‘quv ishlari bo‘yicha prorektor, falsafa fanlari doktori (PhD), dotsent.

Quldoshev U. – Samarqand davlat chet tillar instituti, Xorijiy tillar kafedrasida, falsafa fanlari doktori (PhD).

To‘plam ToshDO‘TAU Ilmiy va o‘quv-uslubiy kengashining 2025-yili “_____” _____-sonli qarori bilan nashrga tavsiya etilgan.

ISBN 978-9910-06-462-3

© Toshkent davlat o‘zbek tili va adabiyoti universiteti, 2025.

© “Bookmany print” nashriyoti, 2025.

Alisher Navoiy nomidagi Toshkent davlat o‘zbek tili va adabiyoti universiteti Tarjima nazariyasi va amaliyoti fakulteti, xorijiy tillar kafedrası tomonidan 2025-yilning 4-mart kuni o‘tkaziladigan “Xorijiy tillarni o‘qitishda zamonaviy yondashuvlar va yangicha yo‘nalishlar” mavzusidagi xalqaro-ilmiy anjuman.

Ilmiy-amaliy anjumanning maqsad va vazifalari o‘qituvchilar, ilmiy izlanuvchilar va soha mutaxassislari hamda talabalar o‘rtasida muloqot va fikr almashish muhitini yaratishga qaratilgan bo‘lib quyidagi maqsad va vazifalarni o‘z ichiga oladi:

1. Onlayn ta’lim: muammo va yechimlar.
2. Xorijiy tillarni o‘qitishning zamonaviy-innovatsion usullari.
3. Mustaqil ta’limni takomillashtirishda xorijiy tajribaning ahamiyati.
4. Xorijiy tillarni o‘qitishda tarjima va adabiyotning o‘rni
5. Adabiyotshunoslik va tarjima muammolari
6. Zamonaviy tilshunoslikning nazariy va amaliy masalalari

MUNDARIJA

1. Abdiyev Akmal Urakbayevich. ANDRAGOGIK TA'LIMDA AMALGA OSHIRILADIGAN TADQIQOTLAR TAHLILI	9
2. Abdiyeva Sayida Irisovna. MIQDOR MA'NOSINI IFODALOVCHI BIRLIKLARNING TIL TIZIMIDAGI O'RNI.	14
3. Abdiyeva Vazira Ashurovna. MULOQOT VA MADANIYAT TUSHUNCHALARINING O'ZARO ALOQALARI.....	19
4. Abdraxmanova Maksatxan Abduganievna. ZAMONAVIY TILSHUNOSLIKDA MODALLIK KATEGORIYSI VA MODAL SO'ZLARNING HUSUSIYATLARI	23
5. Akmatova Ainisa, Pakhyrova Zhyldyzkhan, Keneshbekova Adina. MEDIA LITERACY EDUCATION IN HIGH SCHOOLS.....	30
6. Amirqulov Dilshod Toshtemirovich. TAQLID SO'ZLARNING O'ZBEK TILSHUNOSLIGIDA O'RNI VA GRAMMATIK XUSUSIYATLARI	36
7. Ataullayeva Sitorabonu. LANDSCAPE AND INTERIOR IN KATHERINE MANSFIELD'S STORIES.....	42
8. Ataullayeva Sitorabonu. WOMEN CHARACTERS IN LITERATURE: EVOLUTION AND IMPACT	47
9. Begibayeva Farog'at Baxtiyor qizi. INGLIZ TILIDA INTERNET KOMMENTARIYALARDA "HAMDARDLIK BILDIRISH" NUTQIY JANRINING O'ZIGA XOSLIGI	51
10. Bekmuradova Zebiniso Erkinovna. O'ZBEK TILSHUNOSLIGIDA XIAZM HODISASINING O'RGANILISHI	55
11. Berdimurodov Adham Musurmonovich. LINGVISTIK TADQIQOTLARDA INKOR SO'ZLARNING O'RNI VA AHAMIYATI.....	59
12. Buriyeva Nilufar Baxtiyor qizi. LINGVOMAMLAKATSHUNOSLIKNING FAN SIFATIDA XORIJDA VA O'ZBEKISTONDA O'RGANILISHI	63
13. Eshboyeva Shoira Azamatovna. O'ZBEKISTONDA VA XORIJIY MAMLAKATLARDA INGLIZ TILINI MEDIATEXNOLOGIYALAR ASOSIDA O'QITISH TAJRIBASI TAHLILI	69

10. Buckingham, D. (2003). Media Education: Literacy, Learning and Contemporary Culture. Cambridge: Polity Press.

TAQLID SO‘ZLARNING O‘ZBEK TILSHUNOSLIGIDA O‘RNI VA GRAMMATIK XUSUSIYATLARI

Amirqulov Dilshod Toshtemirovich¹

DOI: 10.52773/tsuull.conf. 2025./EVEE8755

Annotatsiya. Ushbu maqolada tilning kelib chiqishi bilan bog‘liq turli nazariyalar tahlil qilinib, xususan, **Taqlid so‘zlar** keng yoritilgan. Mazkur nazariyaga ko‘ra, insonlar dastlab tabiatdagi turli tovushlarni eshitib, ularga taqlid qilish orqali ilk so‘zlarni yaratganlar. Tadqiqot davomida qadimgi yunon faylasuflari Demokrit va Platonning fikrlari, shuningdek, turli tilshunos olimlarning ilmiy yondashuvlari tahlil qilingan.

Maqolada taqlid so‘zlarning lingvistik xususiyatlari, tasnifi hamda ularning o‘zbek tilshunosligida mustaqil so‘z turkumi sifatida qaralishi haqida bahs yuritiladi. Shuningdek, taqlid so‘zlar tovushga va holatga taqlid qilish xususiyatiga qarab guruhlangan bo‘lib, ular turli misollar bilan boyitilgan. Ushbu maqola tilshunoslik, ayniqsa, fonetika va semantika yo‘nalishida tadqiqot olib borayotgan mutaxassislar uchun muhim nazariy manba bo‘lib xizmat qiladi.

Kalit so‘zlar: derivatsion, lingvistika, onomatopoeia, sintaktik, tasnif, taqlid,

Til insonlar o‘rtasidagi eng asosiy aloqa vositasi bo‘lib, jamiyat taraqqiyoti jarayonida shakllanib, umumiy manfaatlarga xizmat qiladi. Tilning kelib chiqishi va rivojlanishi jamiyatning o‘sishi bilan chambarchas bog‘liq bo‘lib, inson kamoloti bilan shug‘ullanuvchi barcha fanlar til bilan uzviy aloqada bo‘ladi. Tilning tabiati va mohiyati, uning jamiyatdagi roli, tuzilishi hamda bu tuzilmani tashkil etuvchi qismlarning o‘zaro bog‘liqligi, shuningdek, tilning ishlash mexanizmi va qonuniyatlarini chuqur o‘rganish muhim ahamiyat kasb etadi. Shuning uchun tilni har tomonlama tadqiq etish zarurdir.

¹ Alisher Navoiy nomidagi Toshkent davlat o‘zbek tili va adabiyoti universiteti, adilshod9001@gmail.com

Tilning kelib chiqishi haqida fan doirasida turli qarama-qarshi nazariyalar mavjud bo'lib, ular o'zaro munozara va bahs-munozaralar asosida shakllangan. Ba'zi nazariyalarga ko'ra, til insonlarning o'zaro muloqot qilish ehtiyojidan kelib chiqqan bo'lsa, boshqalar til dastlab ayrim shaxslarning o'z fikrlarini avval o'zlari, so'ng boshqalar uchun ifodalash zarurati natijasida paydo bo'lgan deb hisoblaydi.

Shu sababli, tilning paydo bo'lishi va shakllanishi haqida turlicha fikr-mulohazalar, farazlar hamda nazariyalar ilgari surilgan. Ushbu nazariyalarni chuqur o'rganish va tanqidiy tahlil qilish zarur. Asosiy nazariyalar esa to'rt turga bo'linadi[1].

1. ***Ovozga taqlid nazariyasi***
2. ***Undovlar nazariyasi***
3. ***Mehnat hayqiriqlari nazariyasi***
4. ***Ijtimoiy kelishuv nazariyasi***

Biz quyidagi nazariyalardan birinchisini, ya'ni "***Ovozga taqlid nazariyasi***" ya'ni "***taqlid so'zlar***"ni ko'rib chiqamiz. Kishilarning o'z atrofidagi predmetlarning chiqargan ovoziga taqlid qilishi natijasida dastlabki so'zlar, predmetlarning nomlari paydo bo'lgan, deb hisoblaydi. Bu nazariya qadimgi Yunonistonda - Demokrit va Platon davrida o'rta tashlangan bo'lib, unga ko'ra ibtidoiy odamlar yo ongli, yo ongsiz tarzda turli – tuman tovushlar, ya'ni hayvonlarning baqiriqlari, qushlarning sayrashi, shamol va sharsharalarning ovozlarga taqlid qilishga harakat qilishgan. Keyinchalik bu jarayon fanga **taqlid so'zlar** yoki **onomatopik** so'zlar ko'rinishida kirib keldi. **Onomatopoeia** (**onomatopoea**) so'zi yunon tilidan olingan bo'lib, **ὀνοματοποιία** (**onomatopoiía**) so'zidan kelib chiqqan. **ὄνομα** (**ónoma**) – "ism, nom", **ποιέω** (**poiéō**) – "yaratmoq, hosil qilmoq" degan ma'nolarni anglatadi. Shunday qilib, **onomatopoeia** so'zi "tovushlarni nomlash yoki yaratish" ma'nosini anglatadi[2]. Bu atama lingvistikada tabiatdagi tovushlarga taqlid qilib hosil bo'lgan so'zlarni ifodalash uchun ishlatiladi.

Taqlid so'zlarning grammatik xususiyatlari va tasnifi borasida turli tilshunos olimlarning qarashlari bir-biridan farq qiladi. Ayrim olimlar taqlid so'zlarni mustaqil so'z turkumi sifatida tan olish zarurligini ilmiy asoslab bersa, boshqalar bu fikrga qo'shilmaydi.

Taqlid so'zlar – o'zbek tilshunoslari tomonidan **alohida olingan so'z turkumi** sifatida qaraladi.

Taqlid soʻzlarning mustaqil soʻz turkumi sifatida qaralishini 2010-yilda chop etilgan “Hozirgi oʻzbek adabiy tili” kitobida koʻramiz. Kitobda taqlid soʻzlarning oʻzbek tilida bir guruhni tashkil etishi aytilib, mustaqil soʻzlar sirasidan oʻrin olganligi taʼkidlanadi va bir qancha ilmiy asoslar keltiriladi:

-turkiy tillarda taqlid miqdoran koʻp va maʼno jihatdan rang-barang;

-ulardagi tovushlar tizmasi maʼlum obyektiv voqelikdan xabar berib turadi;

-taqlid gap tarkibida maʼlum bir sintaktik pozitsiya egallaydi[3].

Taqlid soʻzlar, eng avvalo, feʼl soʻz turkumining shakllanishiga asos boʻladi. Shuningdek, ular ot soʻz turkumining tarkib topishiga ham taʼsir qiladi. Lugʻaviy maʼno ifodalash jihatidan taqlid soʻzlar ikki guruhga boʻlinadi. Mustaqil soʻz turkumi sanaluvchi olmoshlar esa lugʻaviy maʼnoga ega boʻlmasligi va derivatsion qoʻshimchalar orqali kamdan-kam yangi soʻz hosil qilishi bilan ajralib turadi. Shu sababli, qaysi biri – olmosh yoki taqlid soʻzlar – mustaqil soʻz turkumiga mansub boʻlishi kerakligi haqida bahsli savol tugʻiladi.

Baʼzi tilshunoslarning (B. Mengliyev, R. Sayfullayeva) fikricha, taqlid soʻzlar lugʻaviy maʼnoga ega boʻlishi va yangi soʻz yasalishiga asos boʻlishi sababli mustaqil soʻz turkumiga kiritilishi kerak. Boshqa tilshunolar esa taqlid soʻzlarni alohida turkum sifatida yoki baʼzi manbalarda oraliqdagi soʻz turkumi sifatida tasniflash maqsadga muvofiq ekanini taʼkidlaydi[4].

Bugungi kunda taqlid soʻzlar tilning ajralmas qismi boʻlib, tasviriylik va ifodalilikni oshirishga xizmat qiladi. Masalan, itning vovullashi, mushukning miyovlashi, qushlarning sayrashidan kelib chiqqan taqlid soʻzlar mavjud. Shuningdek, jonli va jonsiz narsalarning holatini ifodalovchi taqlid soʻzlar ham tilimizda uchraydi. Shu asosda taqlid soʻzlar ikki guruhga boʻlinadi:

1. Tovushga taqlid soʻzlar
2. Holatga taqlid soʻzlar

1. Tovushga taqlid

Tilshunolar tomonidan taqlid soʻzlarni tasniflash boʻyicha turli tadqiqotlar olib borilgan. U. Tursunov, A. Muxtorov, Sh. Rahmatullayev, A. Nurmonov, A. Sobirov, Sh. Yusupova, A. Anorbekova, Sh. Mirzayeva, R. Sayfullayeva kabi olimlar bu sohada

ilmiy izlanishlar olib borgan[5]. Quyida ularning tadqiqotlari asosida tovushga taqlid soʻzlarning tasnifini koʻrib chiqamiz.

Tovushga taqlid soʻzlar tarkibiga koʻra quyidagicha tasniflanadi:

• **Inson harakat va holatidan kelib chiqqan tovushlarga taqlid:** qars-qars, afshu, chalp-chulp, duk-duk, shalop-shalop. Masalan: *Umidning yuragi “duk-duk”, urib, beixtiyor unga yaqinlashdi. (Mirmuhsin).*

• **Chaqaloqlarning yigʻisi yoki uxlash paytida eshitiladigan tovushlarga taqlid:** inga-inga, pish-pish. Masalan: *Ayolimiz pish-pish uxladi. (Togʻay Murod)*

• **Inson quvonchi va qaygʻusini ifodalovchi tovushlarga taqlid:** qah-qah, pix-pix, hingir-hingir, hoʻng-hoʻng. Masalan: *Ellikboshi zoʻraki qah-qah urib kuldi. (Sh. Toshmatov)*

• **Inson nutqi va baqir-chaqiriga taqlid soʻzlar:** pichir-pichir, qiy-chuv, gʻoʻngʻir-gʻoʻngʻir, shivir-shivir, bidir-bidir, piqir- piqir, vagʻir-vugʻur. Masalan: *Qizlar nimalarnidir asta soʻzlashib, “piqir-piqir” kulishardi. (O.Yoqubov);*

• **Hayvonlarning ovozigga taqlid soʻzlar:** miyov, vov, uv, irr, maa, vaq-vaq, mee, moʻoʻ, dupir-dupir. Masalan: *burchakda kulcha boʻlib yotgan mushuk shoshib oʻrnidan turdi va Sidiqjonga qarab “miyov” dedi. (A.Qahhor).* **Hasharotlarning ovozigga taqlid soʻzlar:** chirr-chirr, vish, viz-viz, gʻuv-gʻuv. Masalan: *“Viz-viz” uchib arilar, gul oʻpar sharbat yalab. (Q,Muhamadiy).*

• **Qushlarning ovozigga taqlid soʻzlar:** qagʻ-qagʻ, ku-ku, kak-ku, chugʻur-chugʻur. Masalan: *Qargʻa „qagʻ- qagʻ “ etadi, oʻz vaqtini chogʻ etadi. (Gʻ.Gʻulom)*

• **Parrandalarning tovushiga taqlid soʻzlar:** gʻa-gʻa, chip-chip, qu-qu, qa-qa-qa-qaq. Masalan: *Gʻozlar, bir soʻz deysizmi? — Gʻa, gʻa — gʻa! — Totli suli yeysizmi? (Anvar Obidjon)*

• **Tabiat hodisalari va tabiiy ofatlarga taqlid soʻzlar:** gumbur-gumbur, biliq-biliq, chars-churs, shitir-shitir, gʻuv-gʻuv. Masalan: *Shamol esardi “gir-gir”, yaproqlar “shildir-shildir”. (Q. Muhammadiy).*

• **Jonsiz narsalarning tovushiga taqlid soʻzlar:** gʻiyq, duk, qars-qars, sharaq, taraq, tap, tars. Masalan: *Qamishning tomiri yumshoq boʻlib, chaynaganda qars- qars ovoz chiqarar edi. (S.Ahmad)*

• **Narsalarning bir-biriga urilishi natijasida hosil bo‘ladigan tovushga taqlid:** taq-taq, qars-qars, sharaq, taqir-tuqur. Masalan: *Eshik “taraq-turuq” ochilib jun etigini duqqillatgancha, akasi Mo‘min kirib keldi. (G. Gulom).*

• **Texnika va texnik asboblarning tovushiga taqlid so‘zlar:** bong-bong, chiq-chiq, taka-tum-tak. Masalan: *Soatning “Chiq-chiq” ovozi odatda kimgadir baxtsizlik olib kelsa, kimgadir ulkan baxt keltiradi. (Hikoya)*

• **Transport vositalarining tovushiga taqlid so‘zlar:** di-dit, g‘uuv, bip-bip, shaqa-shaq, paq-puq, trrr-trrr. Masalan: *Traktor ham kerosni tamom bo‘lib qolsa, “paq-puq” qiladi-yu, to‘xtaydi. (A.Qahhor)*

2. Holatga taqlid

Holatga taqlid so‘zlar ham turli guruhlariga ajratiladi:

• **Inson holatiga taqlid so‘zlar:** dir-dir, lang, zirq-zirq, duv-duv, yum-yum (yig‘lamoq), sim-sim (og‘rimoq), g‘ij-g‘ij (aql). Masalan: *U o‘g‘lining do‘stlarini ko‘rishi bilan ko‘zlaridan “duv-duv” yosh to‘kildi. (G‘.Gulom).* **Insonning xususiyatini ifodalovchi taqlid so‘zlar:** jilpang-jilpang, jirt-jirt, qilpang-qilpang. Masalan: *Otaga qizning jilpang-jilpang qiliqlari unchalik yoqmadi shekilli, o‘rnidan turib ketdi. (Hikoya)*

• **Harakat holatini bildiruvchi taqlid so‘zlar:** pildir-pildir, lapang-lapang, liqang-liqang, gir-gir. Masalan: *Sabil qolgan shaloq aravamizning Qo‘qon aravalaridek liqang-liqang yurishiga ham qancha shodlanamiz. (Mashrab)*

• **Ob-havo ta’sirida yuzaga keladigan holatga taqlid so‘zlar:** dag‘-dag‘, dir-dir, qalt-qalt, lov-lov, jiz-jiz. Masalan: *Qobil bobo, yalang bosh, yalang oyoq, eshik oldida dag‘-dag‘ titrardi. (A.Qahhor)*

• **Yorug‘lik va nur ta’sirida yuzaga keladigan holatga taqlid so‘zlar:** lip-lip, milt-milt, jimir-jimir, yalt-yalt. Masalan: *“Kuta-kuta milt-milt o‘chdi chiroqlarim” (Salim Ashur)*

• **Tabiat hodisalari natijasida hosil bo‘ladigan holatga taqlid so‘zlar:** guppa-guppa, guv-guv, gup, sharros. Masalan: *Guppa-guppa yog‘ar qor, Guyo ko‘kda ini bor. (G‘. G‘ulom)*

• **O‘simliklarning harakati va holatiga taqlid so‘zlar:** g‘uj-g‘uj, hil-hil, duv-duv. Masalan: *Hil-hil pishibdi olcha,. Terishvorgin, hoy, Ali. (A.Akbar)*

Yuqoridagi tasnif taqlid soʻzlarning tilimizdagi oʻrnini yanada aniqroq koʻrsatib beradi. Ushbu soʻzlar turli holat va jarayonlarni ifodalash orqali oʻzbek tilining ifoda imkoniyatlarini boyitishda muhim rol oʻynaydi.

XULOSA

Tilning kelib chiqishi haqida turli nazariyalar mavjud boʻlib, ulardan biri "**Ovozga taqlid nazariyasi**" insonlarning atrof-muhitdagi tovushlarga taqlid qilishi natijasida ilk soʻzlar shakllanganligini taʼkidlaydi. Ushbu nazariya qadimgi yunon faylasuflari Demokrit va Platon tomonidan ilgari surilgan boʻlib, keyinchalik lingvistika fanida ham keng muhokama qilingan.

Maqolada taqlid soʻzlarning oʻzbek tilshunosligida alohida soʻz turkumi sifatida qaralishi, ularning grammatik xususiyatlari va tasnifi haqida fikr yuritiladi. Tadqiqot natijalariga koʻra, taqlid soʻzlar tovushga va holatga taqlid qilishga asoslangan boʻlib, ular tilning tasviriyligi va ifodaliligi oshirishga xizmat qiladi.

Shunday qilib, **Taqlid soʻzlar** inson nutqining paydo boʻlishi bilan bogʻliq muhim nazariyalardan biri boʻlib, taqlid soʻzlar esa til rivojlanishining muhim tarkibiy qismi ekanligi isbotlanadi. Ushbu mavzu boʻyicha kelgusida yanada chuqur ilmiy tadqiqotlar olib borish zarurati mavjud.

Foydalanilgan adabiyotlar:

1. Xolmanova Z.T. Tilshunoslikka kirish Toshkent -2007.
2. https://www.oed.com/dictionary/onomatopoeia_n?tab=meaning_and_use#33586493
3. Nuraliyev G'. Journal of Academic Research and Trends in Educational Sciences. 2024.: p-52
4. Xudayberganova D. Vol. 3 no. 28 (2024): innovative developments and research in education. p-164
5. R. Sayfullayeva va boshqalar. Hozirgi oʻzbek adabiy tili. – T.: 2009
6. Qalandar Sapayev Hozirhi oʻzbek tili. – Toshkent.: 2009
7. The Oxford English Dictionary, Volume 1-20, (20 Volume Set) Hardcover –1989

“XORIJIY TILLARNI O‘QITISHDA ZAMONAVIY YONDASHUVLAR VA YANGICHA YO‘NALISHLAR”

Mavzusidagi Xalqaro ilmiy-amaliy onlayn anjuman materiallari

To‘plam materiallaridan filologlar, sohada faoliyat yuritayotgan mutaxassislar, mustaqil tadqiqotchilar, magistr va talabalar, oliy ta’lim, xalq ta’limi va umumta’lim maktablari o‘qituvchilari foydalanishlari mumkin. (Maqolalarning ilmiy saviyasi uchun mualliflarning o‘zlari mas’uldirlar)

“Bookmany print” nashriyoti

Nashriyot tasdiqnoma raqami № 022246. 28.02.2022-y.

Bosishga ruxsat etildi: 28.03.2025.

“Times New Roman” garniturası. Qog‘oz bichimi: 60x84 ¹/₁₆

Nashriyot bosma tabog‘i 17,6. Shartli bosma taboq 18,5.

Adadi 20 nusxa. Ofset bosma usulida bosildi.

Toshkent shahri, Uchtepa tumani, 22-mavze, 17-b uy.

“BOOKMANY PRINT” MCHJ bosmaxonasida chop etildi.

Toshkent shahri, Uchtepa tumani, 22-mavze, 17-b uy.

E-mail: bookmany_print@mail.ru
t.me/ Bookmanyprint ☎ +998 99 180 97 10